

Warmondse pachters uit

***“Dat register der belendinghen
van des landen van Leeuwenhorst
bescreven bi
heer Jacop Nannensoen”***

Anno 1434

(Nationaal Archief, toegang 3.18.17.01, inv.nr. 13)

Bewerking door Mathieu Fannee

te Warmond

LET OP: mogelijk bevat deze transcriptie leesfouten, controleer!

(fol. 19v)

Item noch Pieter Dijerinc die Zuut dijepen ij½ morghen j½ hont
ende is inden ambocht van Warmonde ende heeft belegghen
andie ost zide dat cloester vander Lee selve andie west zide die
reguliers van Leijderdorp streckende wt Diepnaer poel andat
cloesters van der Lee

Item Jan van Alcmade die Zuut diepen iij morghen ende sijn
ghelegghen inden ambocht van Warmonde ende heeft belegghen an
die oest zide dat cloester van Reijnsburch an die west zide dat cloest[er]
vander Lee streckende wt Diepnaer poel an dat cloesters lant
voorscreven

(fol. 20r)

Item Wouter Louwerijs Doeden zoen den Scaepe camp iij
morghen ende is ghelegghen inden ambocht van Warmond
ende heeft belegghen an die zuut die Hoghe campen andie
noert side dat cloester zelve mit oest eijnde die paep van
Warmond mit west dat cloester vander Lee selve

Item Florijs vander Spec een Duunre velt iij morghen ende
is ghelegghen inden ambocht van Warmonde ende belegghen
ant noert west den Vliet voert heeftet dat cloester vander
Lee selve al omme belegghen

Item Kerstant Willem Heijnnen zoen den Werfcamp iij mor[gen]
ende is ghelegghen inden ambocht van Warmond ende heeft
belegghen ant noert west dan Vliet voert al omme dat
cloester vander Lee selve

Item Jan Claeszoen vander Spec een Duunre velt iij morghen
ende is ghelegghen inden ambocht van Warmonde ende
heeft belegghen ant noert west den Vliet voert al omme dat
cloester vander Lee selve

(fol. 20v)

Item Jacob Sijmon Aelbrechts zoen zoen een Duunre velt
iij morghen ende is inden ambocht van Warmonde ende
heeft belegghen ant zuut oest die Hoghe campen voert heef-

tet dat cloester vander Lee selve al omme belegghen ende strecket met een her[.]en op Norremeer

Item Jan Sijmon Aelbrechtszoen zoen een Duunre velt iij morghen ende is ghelegghen inden ambocht van Warmonde ende heeft belegghen ant zuutoest die Hoghe campen voert al omme dat cloester vander Lee selve ende bruuct nu brouwer (?)

Item Burgaert de Nijewe venne vj morghen ende is ghelegghen inden ambocht van Warmond ende bruuct nu Wouter Louwerijs Doeden zoen ende Willem Hughenzoen ende heeft belegghen andie noert oest zide dit cloester vander Lee selve andie zuut west zide Garbrant Jans zoen streckende vanden Vliet andat cloesters lant vander Lee voerscr[even]

Item Wouter Louwerijs Doen zoen dat Laghe velt iij morghen inden ambocht van Warmonde ende heeft belegghen andie zuutwest zide dat cloester vander Lee metter Nijewer venne ant noertwest den Vliet voert al omme dat cloester zelve

Item Coppert Heimans¹ zoen iij morghen lants ende heeft belegghen andie zuut zide die Hoghe campen an die noert zide die paep van Warmonde streckende van Norremeer sloet andat cloester lant vander Lee

(fol. 21r)

Item noch Coppert Heimans² zoen dat Scoelant vij merghen ende leijt an tween campen ende heeft belegghen ant noert west Cruus venne ende hoert toe dat cloester van Reijnsburch ant oest Jan Hughe voert strecket op dat water die voer den Kaghe loept

Item noch Willem Heijmanszoen x hont lants ende heeft belegghen andie oest zide Willam Heijmans zoen zelve an die west zide Harman Loeijert ende Willem Heijmans zoen voerscr[even] mit noert west Vlienesse

Item noch Willem Heijmans een camp van iij morghen ende hiet die Nort diepen ende heeft belegghen andie oest zide Harman Loijert ende Willem Heijmans zoen andie

¹ In het origineel staat foutief 'Humans zoen'.

² Idem.

west zide dat cloester zelve streckende vanden water
ant cloesters lant vander Lee voerscr[even]

Item Claes Heijnen zoen iiij morghen ende heeft bele-
ghen andie oest zide dat cloester vander Lee selve andie
west zide Jan vander Boechuurst streckende vanden wa-
ter an Vlijenesse

(fol. 21v)

Item Dirc Hughe den Ossencamp iij mar[gen] ende bruuct nu
Jacob Phillips zoen ende heeft belegghen andie noert oest
zide dat cloester vander Lee selve andie zuut west zide
Gherijt Bertouts zoon ende Florijs Willems zoen strecken-
de wt Norremeer an Sijmon Pieterszoens lant

(fol. 22v)

Item Garbrant Janszoen den Cleijnen scranc ij½ mor[gen]
om ij enghelse nob[els] tsiaers ende heeft belegghen an die
zuut west zide Florijs van Alcmade ende Wouter Gheij
andie zuut oest zide Hughe Jacobs zoen streckende vander
venne an Hemmer

(fol. 23r)

Item noch Garbrant Janszoen iiij mor[gen] lant ende hiet
Norremeer camp ende heeft belegghen ende heeft dat
cloester zelve al omme belegghen ende strecket op Nor-
remeer

Item Fije Jacob Jans zoens weduwe een Scranc iij mor[gen]
ende heeft belegghen dat cloester vander Lee selve al omme
ende strecket op Hemmer

Item Claes Hoghelant die Noert diepen iiij morghen ende
heeft belegghen dat cloester vander Lee selve al omme
streckende opten Vliet

Item Heijnric Aelbrechts zoen inden Kaghe iiij merghen
lants ende hiet die Noert dijepen ende plach Sijmon
Carner (?) te bruken ende heeft belegghen andie zuut oest
zide dat cloester van Reijnsburch ende Jacob Jan Wouters
zoens zoen andie noert ~~zide~~ west zide dat cloester
vander Lee selve ende strecket opten Vliet

(fol. 23v)

Item Jacob Fij Willam Fijen zoen ij [...]³ ende hiet den
Scranc ende heeft belegghen an die zuut zide en Florijs
van Alcmade andie noert zide Harman Gherijtzoen ant
west eijnde Claes Lieve ant oest eijnde mijn vrouwe selve

Item Hughe Jacob zoen ij morghen lants ende plach
Gherijt Stuker te bruken ende heeft belegghen an die oest
zide Jacob Kerstants zoen kinder ant noert west eijnde
die paep van Sassenaem voert so heeftet dat cloester
vander Lee selve belegghen

Item jonghe Dirc Cruvenaer den Scranc vj morghen
ende heeft belegghen an die noert oest zide Ghijsebrecht
van Nortich Burgaert Pieters zoen ende ende (sic!) Gherijt
Asselaer andie zuut oest zide dat cloester vander Lee
selve gawe (?) ende strecket op Hemmer [*latere hand: Die een helft
van dit voirs. lant heeft dat cloest[er] verpanghelt
an lant bij hoir molen*]

Item noch jonghe Dirc Cruvenaer die Noert hoel ij
morghen ende heeft belegghen dat closter vander Lee
selve ende strecket op Hemmer [*latere hand: Normeer*]

(fol. 25r)

Item Ariaen Vrancken zoen Hollanders aeck vj morg[en]
ende heeft belegghen an die oest zide Ariaen voerscreven
selve andie west zide Tegnaghel ant zwt eijnde Jacob vande[n]
Woude ant noert einde een water heet Sweijlant

Item Willem Claes zoe[n] xvj hont broex lants ende leijt an
tween campgens ende heeft belegghen andie zuut oest zide
die zusteren van Warmond ende Lottijn Jans zoen ende
Jacob Hughen zoens erfnaem andie noert oest zide Ghe-
rijt Bartoutszoen met ~~Burg~~ Burgaerts ~~heen~~ hoern ant
zuut west Jacob Everaert ende Katrijn Brunen ant noert
west Gherijt Bartouts zoen ende Ickers vennigen

Item noch Willem Claes zoen ij hont broec lants ende
heeft belegghen ant zwt oest Jacob vanden Woude ant

³ Geen eenheid aangegeven.

zwt west Gherijt Bartouts zoen ant noert west
die Diepe Lee

(fol. 25v)

Item Hughe Willem Heijmans zoen zoen [...] Roemers venne
vj morghen ende plach Sijmon Sijmons zoen te bruken ende
heeft belegghen andie noert oest zide die zusteren van Leij-
den met ~~Der~~ Dremmel velt andie noert zide Jacob vanden
Woude met Broec venne ant west IJsebrant van Scoten met
Joncfrou IJden velt ant zuut west Jacob vanden Woude
met Roemers bosch ant zuut oest die abt van Egmond
metten meer campen

Item die moniken tot Warmond v loet sulvers ende staet
op alsulc lant als hier na ghescreven staet Eerst op een
½ morghen gheest lants ende heeft belegghen andie noert
oest zide Jan Jans zoen ende Dirc Hughen wijf ende kin-
der andie zuut west zide Willem Heijnrics zoen ende Dirc
Hughen erfnae[m] voersc[reven] streckende vanden wegghen an
Florijs Valken tuun

Item noch die moniken een hont gheest lants ende heeft
andie noert oest zide Jacob Everaert andie zuut west
zide Jan Jans zoen streckende vanden weghe an
Florijs Valken tuun

Item noch die moniken een croftgen gheest lants ende
heet Florijs Valken tuun daer nu ter tijt Dirc Hughen
huus op staet ende is ij hont lants ende heeft belegghen
andie zuut oest zide Jan Jans zoen die moniken zelve
Willem Heijnrixz. Dirc Hughen erfnaem Jacob Eve-
raert ende die moniken hebbent belegghen en an beiden
eijnden

(fol. 26r)

Item noch die moniken een campgen broec lants ende
is ij½ hont luttel min of meer ende heeft belegghen ant
noert west der moniken vaert ant zuut oest Florijs
Valken tuun ende die moniken hebbent an beiden siden
selve belegghen

Item noch die moniken een half hont lants ende dat
hebben sij selve al omme belegghen want haer poert ende

haer spraechuus ~~stat~~ staet daerop ghestimmert ende
dit voerscr[even] lant hebben sij vanden cloester vander Lee
tot erfhuur

Item Florijs Jans zoen iijj hont gheest ende is gheleghe[n]
andie ost zide van Warmonderdam in een croft ende
heeft belegghen andie zuut west zide Florijs Jans zoen
selve andie noert oest zide die abt van Egmond ant
zuut oest den ~~broec~~ wech ant noer[t] west den broec

Item Katrijn Dirc Hughen iij½ morghen lants ende bruuct
nu Sijmon Pieters zoen ende heeft belegghen andie zuut west
zide Warmonderdam andie ~~zuutoest zide~~ noert oest
zide Jan vanden Woude ant noert west dat ambocht van
Sassenaem ant zuut oest die gheest tot Warmonde

(fol. 26v)

Item noch Katrijn Dirc Hugen j½ hont gheest lants
ende is ghelegghen int West eijnde voer Vranc Luutmans
ende heeft belegghen andie zuut west zide Florijs van
Alcmade Heijnrix zoen andie noert oest zide Jan vanden
Woude ant zuut oest eijnde die abdisse van Reijnsburch
ant noert west eijnde den Poel

Item Gherijt Bartouts zoen iijj [schelling?] en 8 gaer[...] ghels tsiaers
ende staet op Jan Duker Janszoen venne die Gher[ijt] voer-
scr[even] ghecoft heeft ende heeft belegghen andie noert oest
zide Jacob vanden Woude andie zuut west zide Gheer-
truut Jacob Hughen zoens weduwe ant noert west
die Diepe Lee ant zuut oest dat cloester zelve [*latere hand: Dit
perceel heeft dat cloest[er] vercoft ende des convents brijef[...]
of[...]* (?)]

Item Jan vanden Woude een half morghen gheest lants
daer dat cloester van Reijnsburch die helft of toe behoert
ende heeft belegghen andie noert oest zide Heijnric Jans
zoen andie zuut west zide Beatrijs Jansdochter strecken-
de vanden weghe anden broec

(fol. 27r)

Item Jan vanden Woude iiij hont lants ende is ghele-
ghen op Werric lee⁴ in een camp van xiiij hont ende
heeft belegghen andie noertoest zide Jan vanden Woude
ende die reguliers van Leijderdorp andie zuut west zide
Jan vanden Woude ende Jacob vanden Woude ant noert
west eijnde die zusteren van Leijden ant zuut oesteijnde
Warric lee⁵

⁴ Lees: Warkerleede.

⁵ Idem.